

Hab. in rupestribus Libani inter *Scanderouna* et *Jumalié* propè *Saida* cl. Blanche. Floret Martio.

Caulis tandem pedalis, folia inferiora semipedalia 2-3 lineas lata secùs nervum medium validiorem plicata, capitula ea *Sc. humilis* æquantia. Hujus varietati angustifoliæ affinis differt involucri phyllis latioribus obtusis inferioribus magis abbreviatis, acheniis exterioribus scabridis nec lævissimis. *Sc. parviflora* Jacq. quam habitu magis refert longiùs differt capitulis minoribus, flosculis involucrum non superantibus, etc. *Sc. Bætica* foliis crassiusculis, involucri phyllis acutissimis a nostrâ specie facilè distinguitur.

SCORZONERA CILICIA Boiss. (Sect. *Gelasia*.)

Sc. tota adpressè sericeo-cana radice crassâ cylindricâ verticali nigrâ rosulas foliorum caulesque laterales ascendentes edenti, caulibus foliosis striatis adpressè canescentibus rigidis supernè ramos alternos monocephalos elongatos rigidos strictissimos edentibus, foliis radicalibus caulisque inferioribus linearibus parallelè plurinerviis obtusiusculis, superioribus abbreviatis, rameis angustissimè lanceolatis acutissimis, capitulis parvis brevibus, involucri phyllis præter mediam partem virentem adpressè canescentem latè scariosis subcoriaceis lanceolatis acuminatis exterioribus triplò minoribus, flosculis flavis involucro tertiâ parte longioribus, acheniis tenuiter cylindricis striato-sulcatis glabris, pappi rufescentis achenio sublongioris setis ad medium usquè scabris.

Hab. in rupestribus montium *Utsch Deppe* et *Gisyl Deppe* alt. 8000' cl. Kotschy.

Caules $\frac{1}{2}$ -1 pedales, folia 3-4 pollicaria 2 $\frac{1}{2}$ -3 lineas lata. Pedunculi cauli stricti 1-3 pollicares. Capitula magnitudinis eorum *Sc. pygmeæ* a quâ caule elato ramoso involucrique phyllis acuminatis differt. *Sc. cinerea* Boiss. ei habitu affinis differt foliis multò latioribus, capitulis duplò majoribus, involucri phyllis duplò numerosioribus acutioribus.

SCORZONERA CINEREA Boiss. var. *undulatifolia* B. et Huet.

A typo speciei in montibus Persiæ borealis crescenti differt foliis margine undulato-crispis apice magis attenuato-acuminatis.

Hab. circâ *Erzeroum* cl. Huet du Pavillon.

SCORZONERA GAGEOIDES Boiss. (Sect. *Lasiospora*.)

S. tota densè et crispè albo-villosa, rhizomate tenui nudo (repenti?), caulibus tenuibus erectis infernè nudis suprâ medium foliosis racemoso-subcorymbosis, foliis radicalibus paucis lanceolato-linearibus cauli subæquilongis plurinerviis infernè angustatis supernè longè attenuato-acuminatis, caulinis ad pedunculorum ortum angustissimè linearibus capitula superiora superantibus, pedunculis lateralibus sub anthesi abbreviatis terminali elongato, capitulis minutis, involucri lanati phyllis lanceolatis acutis inferioribus paulò brevioribus, flosculis luteis involucrum paulò superantibus, acheniis junioribus hirsutis...

Hab. in ditione *Beloutschistan* cl. Stocks.

Caules tenues 6-8 pollicares in racemum 2-3 pollicarem 4-6 cephalum abeuntes. Folia radicalia semipedalia medium versùs 3-4 lineas lata ut et caules valdè lanata. Folia caulina angustissima summa setacea. Capitula e minimis generis ovata circiter sex lineas longa. Species quoad radicis indolem et achenia adhuc imperfectè nota habitu valdè singulari *Gageam villosam* quodam modo referens, propè *Sc. macrophyllam* Bunge in Lehm. (an F. et M.?) collocanda.

TARAXACUM DENUDATUM Boiss. et Noë.

T. rhizomate filiformi elongato ramoso (repenti?) nudo squamuloso nigro, collo inter squamas e basi persistenti petiolorum oriundas rufescenti-lanato, foliis.... antè florum evolutionem jam exsiccatis, pedunculis e collo 1-3 capitulo 2-4plò longioribus monocephalis pulverulento-hirtis squamulâ minimâ unâ alterâve minimâ obsitis, capitulis mediocribus, involucri polyphylli phyllis glaucis triangulari-lanceolatis acutis apice minutè ciliatulis exterioribus brevioribus patenti-reflexis, acheniis pallidis angulatis striatis supernè squamuloso-muricatis rostro suo plùs dimidiò brevioribus.

Hab. in Persiâ ad *Kirrind* propè *Kermanchah* cl. Noë. Floret Augusto.